

समां - 12:25 hrs.



Textiles Export

जम्मू-कश्मीर दी पारम्परिक समर्थ गी भारत दे महत्वकांक्षी कपड़ा निर्यात आले नजरियें मूजब बनाने दी दिशा च इक बड्डी पैहलकदमी दे तैहत प्रदेश दे दस्तकारिएं ते हत्थखड्डी सरबंधी मैहकमे नै भारत सरकार दे कपड़ा मंत्रालय दे सैहयोग कन्नै श्रीनगर दे SKICC च दंऊ दिनें दी इक बड्डी कार्जशाला दा आयोजन कीता गेआ ऐ जेहदा विशे ऐ- “वैश्विक बजारें लेई कपड़ा: 2030 तगर 100 बिलियन डालरें दे निर्यात दे लक्ष्य हासल करने लेई रणनीति”। इस कार्यक्रम नै नीतियां बनाने आलें- निर्यात करने आले- उद्योगपतियें-कारीगरें उद्यमियें- निर्यात गी बढ़ावा देने आली काउंसलें ते होरनें सरबंधत धड़ें गी

इक सांझे मंच पर आनने दा मौका दिता ऐ। उद्योग ते बपार
मैहकमे दे कमीशनर सैक्रेटरी होरें आलमी सतह दे कपड़ा बजारें
च जम्मू-कश्मीर दी मजूदगी बधाने बारे व्यापक गल्लबात
कीती।



Itoo Majalta Coll

शिक्षा मंत्री स्कीना इतू होरें आखेआ ऐ जे सरकार जम्मू-कश्मीर
दे दूर-दरेडे इलाकें च रवा'रदे विद्यार्थियें लेई शिक्षा दे बेहतर
मौके जकीनी बनाने ते मय्यारी शिक्षा तोड़ी पुज्ज दा विस्तार
करने लेई वचनबद्ध ऐ। इतू होरें एह गल्ल उधमपुर जिले च
मजालता आले सरकारी डिग्री कालेज दी नमीं बनाई गेदी
इमारत दे उदघाटन समारोह दरान आकखी। अपने सम्बोधन च
स्कीना इतू होरें स्थाई कैंपस आली इमारत दा निर्माण कम्म

कामयाबी कन्नै सबूरा होने पर कालेज प्रशासन ते मकामी समुदाय गी बी मुबारकबाद दिती। उधमपुर ईस्ट थमां विधायक रणबीर सिंह पठानियां- उच्च शिक्षा विभाग दे कमीशनर सैक्रेटरी राम निवास शर्मा ते उधमपुर दे डिप्टी कमीशनर मिंगा शेरपा बी उत्थे मजूद हे।



Satish Flea Market

खेड्ठ मंत्री सतीश शर्मा होरें कल श्रीनगर आहले अमर सिंह क्लब च Flea Market दा दौरा लाइयै देसी उत्पादें, मुकामी उद्यमिता ते घरेलू मार्के गी बढ़ावा देने दी जरूरतै पर जोर पाया तांजे खिते दी अर्थबवस्था ते सांस्कृतिक पन्छान, दौनें गी मजबूती हासल होई सके। मुखमंत्री हुं'दे सलाहकार नासिर असलम वानी बी इस मौके पर उत्थे मजूद हे। अपने दौरे दरान

खेड्ठ मंत्री होरें बक्ख-बक्ख स्टॉलें दा दौरा लाया जिंदे पर फैशन, दस्तकारी, खाने-पीने, सजावट ते आम जीवन शैली कन्नै जुड़े दे बक्ख-बक्ख उत्पादें दा प्रदर्शन कीता गेदा हा। उत्थे स्टॉल लाने आहलें ते आम लोकें कन्नै गल्ल करदे होई सतीश शर्मा होरें आखेआ जे Flea Market ज्नेह् मंच मुकामी नौजवानें, कारीगरें ते कन्नै स्टार्टअप्स गी बी बेशुमार मौके उपलब्ध करोआंदे न।



GOC –Akhnoor Visit

व्हाईट नाइट कोर दे GOC लैफ्टिनेंट जनरल पी.के. मिश्रा होरें Crossed Swords Division दे GOC हुंदे कन्नै रलियै अखनूर दे बक्ख-बक्ख इलाकें दा दौरा लाया ते कब्जा रेखा पर मौजूदा सुरक्षा हालात ते कारवाइयें सरबंधी त्यारियें दा जायजा लैता।

दौरे दौरान कोर कमांडर होरें सेना ते BSF दे तालमेल दी लगातार चौकसी ते कब्जा रेखा पर बड़ी कारवाइयें लेई सभ्भने अधिकारियें ते जोआनें दी सराहना कीती। उ'नें उब्भरदी सुरक्षा चुनौतियें दा असरदार तरीके कन्ने मकाबला करने लेई समर्थ विकास प्रोद्योगिकी दे इस्तेमाल ते त्यारियें च नमें काहडें दा लगातार ध्यान देने लेई बी सराहना कीती ऐ।



CS -Eco Growth

मुख्य सचिव अटल डुल्लु होरें सैलसफा, राई-बाई, दस्तकारिएं ते उद्योगें सरबंधी खेतरें गी तगड़ा बनांदे होई जम्मू-कश्मीर दे आर्थिक विकास गी रफतार देने दे मकसद कन्ने इक व्यापक रणनीति ते संस्थागत मंच विकसित करने गितै कल सरबंधत धडें कन्ने इक बैठक लाई। इस मौके पर मुख्य सचिव होरें

आखेआ जे इस बैठक दा मुंडला मकसद, इक ऐसा संगठित सरिस्ता तैयार करना ऐ जेहड़ा सबनें सरबंधत पक्खें गी इक सांझे मंच पर आहन्नी सकने च सक्षम होऐ तांजे जम्मू-कश्मीर दी अर्थबवस्था गी उबड़ा चुक्केआ जाई सके। उनें आखेआ जे बक्ख-बक्ख खेत्तरें च पैहले शा गै केईं पैहलकदमियां कीतीआं जा'रदिआं न ते इनें सबनें गी किट्ठे जोड़ना मजूदा समें दी मंग ऐ तांजे इंदे असर गी होर बधाया जाई सके।



DC Jammu Census

जम्मू दे डिप्टी कमीशनर डाक्टर राकेश मिन्हास जेहड़े जिले दे प्रधान मरदमशुमारी अधिकारी बी हैन- होरें लोकें गी अपील कीती ऐ जे ओह मरदमशुमारी 2027 तैहत 17 मई थमां डिजिटल तरीके राहें शुरु होआ रदी आपू अपनी गिनतरी आहली

प्रक्रिया च रमानदारी कन्नै हिस्सा लैन। इक संवाददाता सम्मेलन च बोलदे होई डी.सी होंरें दस्सेआ जे जम्मू जिले लेई एह प्रक्रिया 31 मई तगर जारी रौहग ते आधिकारिक पोर्टल 17 मई यानि कल बड्डले 6 बजे थमां लाइव होई जाहग। एदे बाद पैहली जून 2026 थमां 30 जून तगर सिखलाई हासल माहिरें आसेया घरें-मकानें दी गिनतरी आली प्रक्रिया शुरु होई जाहग।



Census –Kathua

तांआई जिला प्रशासन कठुआ नै प्रधान मरदमशुमारी अधिकारी-डिप्टी कमीशनर राजेश शर्मा हुंदी अध्यक्षता च इक वर्चुअल मीटिंग दा आयोजन कीता- जेहदे च मरदमशुमारी 2027 दे तहत 17 मई थमां लेइयै 31 मई 2026 तगर जारी रौहने आली आपू अपनी गिनतरी आली प्रक्रिया लेई त्यारियें दा

जायजा लैता गेआ। बैठक च सब्भनै जिला ते सैक्टर प्रमुख-
सरकारी डिग्री कालजें दे प्रिंसिपल- जिला प्रशासन ते पुलस
विभाग दे सीनियर अधिकारी वर्चुअल तरीके राहें शामिल होए।
गल्लबात दौरान जिले भर च असरदार तरीके कन्नै जागरुकता
पैदा करने ते आत्म-गणना यानि आपू अपनी गिनतरी दर्ज
करोआने आली प्रक्रिया गी बवस्थित तरीके कन्नै लागू करने
पर ध्यान केन्द्रित कीता गेआ- तां जे इस महत्वपूर्ण राष्ट्रीय
अभ्यास च लोकें दी बद्दोबद्द शमूलियत यकीनी बनाई जाई
सकै।



Poonch Eid Arrangements

पुंछ दे डिप्टी कमिशनर अशोक कुमार शर्मा होरें कल इक
उच्ची सतह दी बैठक लाइयै औंदे ईद दे ध्यार लेई बंदोबस्तें दा

जायजा लैता ते तैयारिं गी मुक्कदा रूप बी दिता। बैठक च जिले दे बड्डे मौलानाएं, जिला अधिकारिं ते बक्ख-बक्ख मैहकमें दे प्रतिनिधिं बी शिरकत कीती तांजे इस ध्यार गी पूरे बवस्थित ते रमानदारी आहले ढंग्गै सिर मनाना जकीनी बनाया जाई सके। इस मौके पर ईद दे मद्देनजर साफ-सफाई, पानी ते बिजली दी सप्लाई, ट्रैफिक प्रबंधन, सेहत सुविधाएं ते कानून-बवस्था दी स्थिति बरकरार रक्खने ज्नेह मामलें पर खास चर्चा कीती गई।

